

**UNIVERZITET U ZENICI
EKONOMSKI FAKULTET**

Stalno stručno tijelo doktorskog studija (Vijeće studija)

Broj: 06-214-001-100/20
Zenica, 27.01.2021. godine

Na osnovu člana 89. stav (9) Pravilnika o organizovanju dodiplomskog, magistarskog i doktorskog studija na Univerzitetu u Zenici, Stalno stručno tijelo doktorskog studija (Vijeće studija) Ekonomskog fakulteta Univerziteta u Zenici, na svojoj I (prvoj) konstituirajućoj sjednici Vijeća studija održanoj 27.01.2021. godine, donijelo je

**POSLOVNIK O RADU
STALNOG STRUČNOG TIJELA DOKTORSKOG STUDIJA (VIJEĆE STUDIJA)
EKONOMSKOG FAKULTETA UNIVERZITETA U ZENICI**

POGLAVLJE I. OPŠTE ODREDBE

**Član 1.
(Poslovnik)**

Ovim Poslovnikom regulira se način rada Stalnog stručnog tijela doktorskog studija (u daljem tekstu: Vijeće studija), prava i dužnosti članova Vijeća studija, kao i druga pitanja od značaja za Vijeće studija.

**Član 2.
(Sastav Vijeća studija)**

(1) *Vijeće studija* je stručno tijelo koje upravlja doktorskim studijem na Ekonomskom fakultetu Univerziteta u Zenici, nadležno i odgovorno za organizaciju i tok studiranja na doktorskom studiju na Ekonomskom fakultetu Univerziteta u Zenici, kojeg čine:

- a) članovi Naučno-nastavnog vijeća Ekonomskog fakulteta Univerziteta u Zenici,
- b) svi nastavnici-nositelji nastavnog i istraživačkog procesa na doktorskom studiju.

(2) Članove Vijeća studija iz stava (1) imenuje Senat Univerziteta u Zenici na period od 4 (četiri) godine kao i sekretara Vijeća studija na period od 2 (dvije) godine, iz reda saradničkog osoblja Fakulteta za obavljanje sekretarskih poslova.

(3) Članovi Vijeća studija se potvrđuju Odlukom Senata Univerziteta u Zenici svake akademske godine.

(4) Vijeće studija ima predsjedavajućeg koji predsjedava sjednicama, a kojeg imenuju članovi Vijeća studija iz reda svojih članova.

**Član 3.
(Predstavnici studenata u članstvu Vijeća studija)**

(1) Članovi Vijeća studija iz reda studenata zastupaju interese studenata III (trećeg) ciklusa studija, shodno stavovima tijela koje ih je izabralo.

(2) U slučaju opravdanog odsustva predstavnika studenata, člana Vijeća studija može zamijeniti drugi izabrani predstavnik po pismenom punomoćstvu predsjednika Unije studenata.

POGLAVLJE II. PRAVA I DUŽNOSTI

Član 4.
(Prava i dužnosti članova Vijeća studija)

- (1) Članu Vijeća studija dostupni su svi službeni materijali, dokumenti i podaci koji se pripremaju ili prikupljaju u Dekanatu (upravi) Fakulteta, a koji se odnose na odlučivanje na sjednicama Vijeća studija.
- (2) Članovi Vijeća studija su dužni čuvati podatke koje saznaju, a koji prema zakonskim propisima nose oznaku tajnosti i za to su odgovorni prema Zakonu.
- (3) Članovi Vijeća studija imaju prava i dužnosti:
 - Prisustvovati na sjednicama i na njima raspravljati i glasati;
 - Podnostiti prijedloge i postavljati pitanja; te
 - Učestvovati u radu komisija i drugih radnih tijela Vijeća studija.

Član 5.
(Druga lica)

Sekretar fakulteta i druga lica koja su pozvana na sjednice Vijeća studija ne mogu učestvovati u donošenju odluka.

Član 6.
(Poslovi i zadaci)

Vijeće studija obavlja poslove i zadatke iz svog domena, a koji su utvrđeni Pravilnikom o dodiplomskom, magistarskom i doktorskom studiju na Univerzitetu u Zenici, a odluke donosi samo na sjednici na način i po postupku utvrđenom ovim Poslovnikom.

Član 7.
(Djelokrug rada Vijeća studija)

- (1) Djelokrug rada Vijeća studija je:
 - a) upravlja doktorskim studijem, rješava sva pitanja koja se odnose na organizaciju i tok studiranja;
 - b) imenuje komisiju za upis i rangiranje kandidata;
 - c) usvaja prijedlog rang-liste kandidata za upis;
 - d) predlaže NNV-u produženje roka za završetak studija;
 - e) predlaže Dekanu Fakulteta donošenje odluke o obustavi stjecanja naučnog stepena doktora nauka;
 - f) obrazuje komisije za razmatranje i odbranu prihvatljivosti prijedloga teme i određuje nastavnika (supervizora) koji će usmjeravati studenta kod pripreme projekta dokorskog rada;
 - g) donosi odluku o usvajanju Izvještaja Komisije za prihvatljivost teme i odbranu projekta dokorskog rada;
 - h) predlaže Komisiju za ocjenu uvjeta kandidata i podobnost teme za izradu doktorske disertacije;
 - i) predlaže mentora/komentora za izradu doktorske disertacije;
 - j) utvrđuje prijedlog o prihvatanju ili odbijanju Izvještaja Komisije za ocjenu uvjeta kandidata i podobnost teme za izradu doktorske disertacije;
 - k) donosi odluku o imenovanju mentora na osnovu prethodne saglasnosti Senata Univerziteta u Zenici;
 - l) predlaže Komisiju za ocjenu i odbranu doktorske disertacije;
 - m) na osnovu Izvještaja Komisije za ocjenu i odbranu doktorske disertacije, utvrđuje prijedlog o prihvatanju, odbijanju ili vraćanju doktorske disertacije na dopunu odnosno izmjenju;
 - n) vršenje i drugih nadležnosti, u skladu sa Pravilnikom o organizovanju dodiplomskog, magistarskog i dokorskog studija na Univerzitetu u Zenici.

POGLAVLJE III. NAČIN RADA

Član 8.

(Sjednice Vijeća studija)

- (1) Vijeće studija obavlja poslove iz svog djelokruga na sjednicama koje se održavaju prema potrebi, a u pravilu najmanje jedanput mjesečno.
- (2) Na početku akademske godine, Vijeće studija utvrđuje okvirni raspored održavanja sjednica, koji je, u principu, usklađen s rasporedom održavanja sjednica Naučno-nastavnog vijeća i Senata.

Član 9

(Vrste sjednica Vijeća studija)

- (1) Sjednice Vijeća studija mogu biti redovne, vanredne i elektronske.
- (2) Redovne sjednice se održavaju radi odlučivanja o pitanjima iz nadležnosti Vijeća studija u redovnim procedurama.
- (3) Vanredne sjednice Vijeća studija zakazivati će se u slučaju kada se od Vijeća studija zahtijeva očitovanje u rokovima, koji ne omogućavaju primjenu procedure zakazivanja redovne sjednice.
- (4) Vijeće studija može u opravdanim slučajevima održati i elektronsku sjednicu, o čemu odlučuje predsjedavajući Vijeća studija.

Član 10.

(Predsjedavajući Vijeća studija)

- (1) Predsjedavajući Vijeća studija se imenuje iz reda nastavnika članova Vijeća studija.
- (2) Mandat predsjedavajućeg Vijeća studija traje 4 (četiri) godine.
- (3) Ista osoba se može imenovati na dva uzastopna mandata.
- (4) Sjednice Vijeća studija priprema i saziva predsjedavajući, u saradnji s dekanom i sekretarom Vijeća studija.
- (5) Predsjedavajući je dužan sazvati sjednicu Vijeća studija, kada to, u pisanoj formi, zahtijeva najmanje polovina članova Vijeća studija i Dekan.
- (6) Sjednicom Vijeća studija rukovodi i predsjedava predsjedavajući, brine se o zakonitosti rada Vijeća studija te je odgovoran za primjenu Poslovnika o radu, a u slučaju odsutnosti odnosno spriječenosti, sjednicu saziva i njenim radom rukovodi zamjenik predsjedavajućeg, izabran iz reda članova Vijeća studija.
- (7) Predsjedavajući je na sjednicama Vijeća studija dužan dati članovima Vijeća studija sve potrebne informacije i objašnjenja u vezi s odlukama iz nadležnosti Vijeća studija.
- (8) Red na sjednicama Vijeća studija osigurava predsjedavajući.
- (9) Upotreba mobitela u radnom dijelu sjednice Vijeća studija nije dozvoljena.

Član 11.

(Izjašnjavanje članova Vijeća studija o kandidatima za imenovanje predsjedavajućeg i zamjenika predsjedavajućeg Vijeća studija)

- (1) Prijedlog za predsjedavajućeg Vijeća studija može dati svaki član Vijeća studija.
- (2) Članovi Vijeća studija izjašnjavaju se o predsjedavajućem Vijeća studija javnim glasanjem.
- (3) Za predsjedavajućeg Vijeća studija imenuje se onaj kandidat koji dobije većinu glasova od ukupnog broja članova Vijeća studija.
- (4) Ukoliko je predloženo više kandidata za predsjedavajućeg Vijeća studija i niti jedan od njih u prvom krugu glasanja ne dobije potrebnu većinu ili više kandidata dobije isti broj glasova, u užu izbor ulaze dva kandidata s najvećim brojem glasova, odnosno kandidati s istim brojem glasova.
- (5) U ponovljenom glasanju između dva kandidata za predsjedavajućeg Vijeća studija imenovat će se kandidat koji dobije većinu glasova od ukupnog broja članova Vijeća studija.
- (6) Članovi Vijeća studija izjašnjavaju se o zamjeniku predsjedavajućeg Vijeća studija na način definisan prethodnim stavovima ovog člana.

Član 12.
(Odlučivanje Vijeća studija)

- (1) Vijeće studija može raspravljati o određenim pitanjima za koje je nadležno i odlučivati kada sjednici prisustvuje većina od ukupnog broja članova.
- (2) Vijeće studija donosi odluke većinom glasova od ukupnog broja njegovih članova.
- (3) Vijeće studija donosi odluke javnim glasanjem.

Član 13.
(Rad na sjednicama)

- (1) Članovima Vijeća studija poziv s prijedlogom dnevnog reda i materijalima za sjednicu se, u pravilu, dostavlja 5 (pet) dana prije održavanja sjednice, a najkasnije 2 (dva) dana prije održavanja sjednice, u elektronskoj formi.
- (2) Sjednica Vijeća studija može početi s radom ako sjednici prisustvuje više od polovine članova Vijeća studija.
- (3) Prije prelaska na rad po predloženom dnevnom redu, verificira se zapisnik sa prethodne sjednice.
- (4) O uvrštavanju prijedloga za dopunu ili izmjenu dnevnog reda Vijeće studija se izjašnjava većinom glasova od ukupnog broja članova Vijeća studija.
- (5) Konačni prijedlog dnevnog reda usvaja se većinom glasova od ukupnog broja članova Vijeća studija.
- (6) Elektronska sjednica se smatra pravovaljanom ukoliko na istu odgovori većina od ukupnog broja članova Vijeća studija.

Član 14.
(Dnevni red sjednice Vijeća studija)

- (1) Na početku sjednice Vijeća studija predsjedavajući daje potrebna objašnjenja u vezi sa nekim radom i obavještava o drugim prethodnim pitanjima.
- (2) Poslije utvrđenog dnevnog reda počinje rasprava o pojedinim temama dnevnog reda i to redoslijedom koji je utvrđen u dnevnom redu.
- (3) Predsjedavajući zaključuje sjednicu kada se iscrpi utvrđeni dnevni red sjednice.

Član 15.
(Javno glasanje)

- (1) Javno glasanje provodi se dizanjem ruke tako da predsjedavajući poziva članove Vijeća studija da se izjasne ko je „za“, zatim ko je „protiv“ prijedloga, te ko je „uzdržan“ od glasanja.
- (2) Nakon glasanja predsjedavajući utvrđuje da li je pojedina odluka dobila većinu glasova i objavljuje rezultat glasanja.
- (3) Provjera glasanja mora se zatražiti prije nego što predsjedavajući utvrdi da je pojedina odluka donesena.
- (4) Odluke sa elektronske sjednice NNV-a donose se većinom glasova (dostavljenih odgovora putem elektronske pošte) od ukupnog broja članova NNV-a.
- (5) Članovi Vijeća studija glasaju putem elektronske pošte uz navođenje „ZA“ ili „PROTIV“ ili „UZDRŽAN“ i na taj način se izjašnjavaju o svakoj tački dnevnog reda.

Član 16.
(Zapisnik)

- (1) O radu sjednice Vijeća doktorskog studija vodi se Zapisnik.
- (2) Zapisnik sadrži:
 - redni broj sjednice, datum, mjesto i vrijeme održavanje sjednice;
 - ime i prezime prisutnih i odsutnih članova Vijeća studija i drugih učesnika sjednice;

- dnevni red;
 - kratak opis (suštinu izlaganja učesnika);
 - formulaciju odluka, zaključaka i dr.;
 - broj glasova;
 - potpis predsjedavajućeg i zapisničara.
- (3) Original zapisnik sjednice pohranjuje se i čuva u arhivi Fakulteta.

Član 17.
(Primjedbe na zapisnik)

- (1) Svaki član Vijeća studija ima pravo na početku sjednice iznijeti primjedbe na zapisnik sa prethodne sjednice.
- (2) O osnovanosti primjedbe na zapisnik odlučuje se na sjednici bez rasprave.
- (3) Ako se primjedba na zapisnik prihvati, obaviti će se u zapisniku odgovarajuća izmjena.
- (4) Zapisnik na koji nisu iznesene primjedbe, odnosno zapisnik s prihvaćenim primjedbama, smatra se usvojenim po izjašnjavanju članova Vijeća studija o istom.

Član 18.
(Pojedinačni akti)

Pojedinačni akti usvojeni na sjednici Vijeća studija, donose se u formi odluka, zaključaka, uputstava, instrukcija i slično, a iste potpisuje predsjedavajući Vijeća studija.


POGLAVLJE IV. PRIJELAZNE I ZAVRŠENE ODREDBE

Član 19.
(Stupanje na snagu)

- (1) Ovaj Poslovnik stupa na snagu danom donošenja.
- (2) Izmjene i dopune Poslovnika vrše se na istovjetan način na koji je i donesen.

Zenica, 27. 01.2021. godine

**ZAMJENIK PREDSJEDAVAJUĆEG
VIJEĆA STUDIJA**



V. prof. dr. sc. Nino Serdarević

UNIVERZITET U ZENICI
EKONOMSKI FAKULTET

- *Stalno stručno tijelo doktorskog studija (Vijeće studija)*

Broj: 06-214-001-99/21

Zenica, 27. 01. 2021. godine

Na osnovu člana 89. Pravilnika o organizovanju dodiplomskog, magistarskog i doktorskog studija na Univerzitetu u Zenici, Stalno stručno tijelo doktorskog studija (Vijeće studija) Ekonomskog fakulteta Univerziteta u Zenici je na svojoj 01/21 konstituirajućoj sjednici održanoj 27. 01. 2021. godine, donijelo je

ODLUKU

usvajanju Poslovnika o radu Stalnog stručnog tijela doktorskog studija (Vijeće studija)
Ekonomskog fakulteta Univerziteta u Zenici

Član 1.

Ovom odlukom usvaja se Poslovnik o radu Stalnog stručnog tijela doktorskog studija (Vijeće studija) Ekonomskog fakulteta Univerziteta u Zenici.


Član 2.

Sastavni dio ove odluke je Poslovnik o radu Stalnog stručnog tijela doktorskog studija (Vijeće studija) Ekonomskog fakulteta Univerziteta u Zenici.

Član 3.

Odluka stupa na snagu danom donošenja

ZAMJENIK PREDSEDavajućEG
STALNOG STRUČNOG TIJELA DOKTORSKOG
STUDIJA (VIJEĆE STUDIJA)


V. prof.dr.sc. Nino Serdarević

Dostavljeno:

1x članovi Vijeća studija

1x a/a

**UNIVERZITET U ZENICI
EKONOMSKI FAKULTET**

Stalno stručno tijelo doktorskog studija (Vijeće studija)

Broj: 06-214-001-263/22
Zenica, 10.03.2022. godine

Na osnovu člana 89. stav (9) Pravilnika o organizovanju dodiplomskog, magistarskog i doktorskog studija na Univerzitetu u Zenici, Stalno stručno tijelo doktorskog studija (Vijeće studija) Ekonomskog fakulteta Univerziteta u Zenici, na svojoj 01/22 sjednici Vijeća studija održanoj 10.03.2022. godine, donijelo je

**POSLOVNIK
O DOPUNI POSLOVNIKA O RADU STALNOG STRUČNOG TIJELA
DOKTORSKOG STUDIJA (VIJEĆE STUDIJA)
EKONOMSKOG FAKULTETA UNIVERZITETA U ZENICI**

**Član 1.
(Dopuna člana)**

U Poslovniku o radu Stalnog stručnog tijela doktorskog studija (Vijeće studija) Ekonomskog fakulteta Univerziteta u Zenici, broj: 06-214-001-100/20 od 27.01.2021. godine, dodaje se novi član 9.a, koji glasi:

**„Član 9.a
Elektronska sjednica (korištenje online platforme)**

- (1) Vijeće studija kada se ukaže opravdana potreba, o čemu odlučuje Predsjedavajući Vijeća studija, može održati elektronsku sjednicu uz korištenje online platforme.
- (2) Izjašnjavanje članova Vijeća studija, vrši se nakon zaključenja rasprave o određenoj tački dnevnog reda sjednice. Članovi Vijeća studija na poziv Predsjedavajućeg Vijeća studija izjašnjavaju se korištenjem opcije "podigni ruku", "ZA", "PROTIV" ili "UZDRŽAN".
- (3) Svaka online sjednica Vijeća studija (korištenje online platforme) biće snimana. Snimak sjednice predstavlja elektronski zapisnik, dok se skraćeni zapisnik održane sjednice sastavlja u hard copy i usvaja na sjednicama Vijeća studija.
- (4) Članovi Vijeća studija koji ne mogu doći na zakazanu redovnu ili vanrednu sjednicu Vijeća studija mogu sjednici prisustvovati elektronski uz korištenje online platforme i izjašnjavati se o tačkama dnevnog reda u skladu sa stavom (2) ovog člana ali uz obavezu prethodne najave i dobijanja saglasnosti od strane predsjedavajućeg Vijeća studija.

**Član 3.
(Stupanje na snagu)**

Poslovnik o dopuni Poslovnika o radu Stalnog stručnog tijela doktorskog studija (Vijeće studija) Ekonomskog fakulteta Univerziteta u Zenici stupa na snagu danom donošenja.

**PREDSJEDAVAJUĆA
STALNOG STRUČNOG TIJELA DOKTORSKOG
STUDIJA (VIJEĆE STUDIJA)**

V.prof.dr.sc. Dijana Husaković

**UNIVERZITET U ZENICI
EKONOMSKI FAKULTET**

- Stalno stručno tijelo doktorskog studija (Vijeće studija)

Broj: 06-214-406-262/22

Zenica, 10. 03. 2022. godine

Na osnovu člana 89. Pravilnika o organizovanju dodiplomskog, magistarskog i doktorskog studija na Univerzitetu u Zenici, Stalno stručno tijelo doktorskog studija (Vijeće studija) Ekonomskog fakulteta Univerziteta u Zenici je na svojoj 01/22 sjednici održanoj 10. 03. 2022. godine, donijelo je

ODLUKU

**usvajanju Poslovnika o dopuni Poslovnika o radu stalnog stručnog tijela
doktorskog studija (Vijeće studija)
Ekonomskog fakulteta Univerziteta u Zenici**

Član 1.

Ovom odlukom usvaja se Poslovnik o dopuni Poslovnika o radu stalnog stručnog tijela doktorskog studija (Vijeće studija) Ekonomskog fakulteta Univerziteta u Zenici.

Član 2.

Sastavni dio ove odluke je Poslovnik o dopuni Poslovnika o radu stalnog stručnog tijela doktorskog studija (Vijeće studija) Ekonomskog fakulteta Univerziteta u Zenici.

Član 3.


Odluka stupa na snagu danom donošenja.

**PREDSJEDAVAJUĆA
STALNOG STRUČNOG TIJELA DOKTORSKOG
STUDIJA (VIJEĆE STUDIJA)**

Dostavljeno:

1x članovi Vijeća studija

1x a/a





V. prof. dr. sc. Dijana Husaković

RJ01793 4109 BA



Zenica

UNIVERZITET U ZENICI
ECONOMSKI FAKULTET
ZENICA Fakultetska bb



T-66

POSREDOVANJE
KOD POŠTE
72102 ZENICA



SAOPŠTENJE - 29.11.2022.
Ljud Pralčić

N/R

Ljud Pralčić
Grabarička 45
Novo Sarajevo
71000 Sarajevo

R

RJ01793 410 9 BA



72102 Zenica

UNIVERZITET U ZENICI
EKONOMSKI FAKULTET
ZENICA Fakultetska bb



T-66

POŠTARINA PLA
KOD POŠ
72102 ZENI



ZAPRIMO: 2
Luid Pircalić

N/R

Luid Pircalić
Grebavička 45
Novo Sarajevo
71000 Sarajevo

28.11

Orphan
Guns

2000/1710 :

29.11.2002. David R. R. R.